

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E
po Prijavi kocentracije privrednog subjekta „Telemach“ d.o.o. Sarajevo

Sarajevo
februar 2016. godine



Broj: 05-26-1-039-32-II/15
Sarajevo, 16. februara 2016. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09) rješavajući po Prijavi koncentracije privrednog subjekta „Telemach“ Društvo za pružanje usluga u oblasti telekomunikacija d.o.o. Sarajevo, Džemala Bijedića 216, 71000 Sarajevo, zaprimljenoj dana 18. novembra 2015. godine pod brojem: 05-26-1-039-II/15, na 120. (stodvadesetoj) sjednici održanoj dana 16. februara 2016. godine, je donijelo

R J E Š E N J E

1. Ocjenjuje se dopuštenom koncentracija, na relevantnom tržištu distribucije televizijskog programa /signala i pružanja internet usluga krajnjim korisnicima u Bosni i Hercegovini, nastala sticanjem kontrole, kupovinom 100,00% osnovnog kapitala, privrednog subjekta „Telemach“ Društvo za pružanje usluga u oblasti telekomunikacija d.o.o. Sarajevo, Džemala Bijedića 216, 71000 Sarajevo, nad privrednim subjektom “Global Internet“ društvo ograničene odgovornosti Novi Travnik, Ivana Meštrovića 21, 72290 Novi Travnik.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 18. novembra 2015. godine pod brojem: 05-26-1-039-II/15, Prijavu koncentracije (u daljem tekstu: Prijava) privrednog subjekta „Telemach“ Društvo za pružanje usluga u oblasti telekomunikacija d.o.o. Sarajevo, Džemala Bijedića 216, 71000 Sarajevo (u daljem tekstu: Podnosilac prijave ili Telemach), podnesenu po opunomoćeniku Nihad Sijerčiću, advokatu, Fra Anđela Zvizdovića 1. PC UNITIC, Toranj B/II, 71000 Sarajevo (punomoć od dana 30. oktobra 2015. godine), kojom namjerava kupiti 100,00% vlasničkih udjela u osnovnom kapitalu privrednog subjekta “Global Internet“ društvo ograničene odgovornosti Novi Travnik, Ivana Meštrovića 21, 72290 Novi Travnik (u daljem tekstu: Global Internet).

Podnosilac prijave je dostavio dopunu Prijave podneskom od dana 24. novembra 2015. godine zaprimljenim pod brojem: 05-26-1-039-1-II/15 i podneskom dana 7. januara 2016. godine broj: 05-26-1-039-19-II/15.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata, te je zatražilo dopunu iste, u skladu sa članom 31. stav (1) Zakona o konkurenciji, dana 27. novembra 2015. godine aktom broj: 05-26-1-039-5-II/15.

Podnosilac prijave je podnio zahtjev za produženje vremenskog roka za dostavljanje podataka i dokumentacije, u smislu člana 30. Zakona o konkurenciji, podneskom dana 3. decembra 2015. godine zaprimljenim pod brojem: 05-26-1-039-5-II/15, koji je Konkurencijsko vijeće prihvatilo i odobrilo produženje roka, dana 7. decembra 2015. godine aktom broj: 05-26-1-039-11-II/15.

Podnosilac prijave je dostavi tražene podatke i dokumentaciju dana 16. decembra 2015. godine podneskom zaprimljenim pod brojem: 05-26-1-039-18-II/15.

Nakon kompletiranja Prijave, Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona o konkurenciji, dana 20. januara 2016. godine aktom broj: 05-26-1-039-23-II/15.

Konkurencijsko vijeće, u skladu sa odredbom člana 16. stav (4) Zakona o konkurenciji, je objavilo Obavještenje o dostavljenoj Prijavi u dnevnik novinama, dana 30. oktobra 2015. godine (akt broj: 05-26-1-039-3-II/15), u kojoj su objavljeni podaci o namjeravanoj koncentraciji, te su pozvane sve zainteresirane strane na dostavljanje pisanih komentara u vezi provođenja iste. Na predmetno Obavještenje nisu dostavljeni pisani komentari.

Konkurencijsko vijeće na osnovu preliminarne procjene dostavljenih podataka iz Prijave, ocijenilo da bi provođenje predmetne koncentracije moglo imati za posljedicu negativne efekte, odnosno značajno narušavanje konkurenciju na relevantnom tržištu, u smislu člana 13. Zakona o konkurenciji.

Također, uporednom analizom dostavljenih podataka u Prijavi (broj pretplatnika i tržišni udjeli) o konkurentima na relevantnom tržištu, s podacima Konkurencijskog vijeća prikupljenim u predhodnoj analizi od tržišnih konkurenata na relevantnom tržištu su utvrđene određene razlike, te će se u postupku ocijeniti i vjerodostojnost i tačnost dostavljenih podataka iz Prijave.

Slijedom navedenog, Konkurencijsko vijeće je ocijenilo da bez provedenog postupka nije moguće utvrditi relevantno tržište, tržišne udjele učesnika koncentracije i tržišnih konkurenata, kao i analizirati efekte predmetne koncentracije na relevantnom tržištu, te je donijelo Zaključak o pokretanju postupka ocijene predmetne koncentracije, dana 27. januara 2016. godine aktom broj: 05-26-1-039-26-II/15 (u daljem tekstu: Zaključak).

Konkurencijsko vijeće u skladu sa procedurom Zakona o konkurenciji je dostavilo Zaključak Podnosiocu prijave, dana 27. januara 2016. godine aktom broj: 05-26-1-039-30-II/15, te je zatražilo i podatke (u vezi provjere povezanih društava Podnosioca prijave dostavljenih u dokumentaciji uz Prijavu), a Podnosilac prijave je dostavio traženu dokumentaciju, dana 1. februara 2016. godine podneskom broj: 05-26-1-039-31-II/15.

Konkurencijsko vijeće u postupku, je utvrdilo sljedeće činjenice:

Prijava je podnesena, u smislu člana 16. stav (2) Zakona o konkurenciji.

1. Učesnici koncentracije

Učesnici koncentracije su privredni subjekt „Telemach“ Društvo za pružanje usluga u oblasti telekomunikacija d.o.o. Sarajevo, Džemala Bijedića 216, 71000 Sarajevo, i privredni subjekt “Global Internet“ društvo ograničene odgovornosti Novi Travnik, Ivana Meštrovića 21, 72290 Novi Travnik.

1.1. Privredni subjekt Telemach

Privredni subjekt „Telemach“ Društvo za pružanje usluga u oblasti telekomunikacija d.o.o. Sarajevo, Džemala Bijedića 216, 71000 Sarajevo, je upisan u registar Općinskog suda u Sarajevu pod brojem: 065-01-0620-08 (JIB: 42000209890007), sa upisanim osnovnim kapitalom od (..)**¹ KM, sa (..)**% vlasničkih udjela privrednog subjekta „Bosnia Broadband“, a koji je pod indirektnom kontrolom privrednog subjekta Kohlberg Kravis Roberts & Co. L.P, 9 West 57th Street, Suite 4200, Njujork 10019, Sjedinjene Američke Države (u daljem tekstu: KKR).

Pretežne registrovane djelatnosti privrednog subjekta Telemach su pružanje usluge distribucije televizijskog programa /signala, pružanje internet, usluge fiksne telefonije itd.

Povezana društva privrednog subjekta Telemach u Bosni i Hercegovini, u 2014. godini (uključena za izračunavanje ukupnog godišnjeg prihoda i udjela na relevantnom tržištu):

1.1.1. Privredni subjekt „Telekabel“ d.o.o. Zenica

Privredni subjekt „Telekabel“ Društvo za projektiranje, izgradnju i održavanje telekomunikacijskih sistema d.o.o. Zenica, Štrosmajerova 14, 72000 Zenica (u daljem tekstu: Telekabel), je upisan u registar Općinskog suda u Zenici pod brojem: 43-01-0037-10 (JIB: 4218224000006), u kojem privredni subjekt Telemach posjeduje (..)**% vlasničkih udjela.

Pretežne registrovane djelatnosti privrednog subjekta Telekabel su distribucija televizijskog programa /signala i pružanje internet usluga.

1.1.2. Privredni subjekt „TOTAL TV BH“

Privredni subjekt „TOTAL TV BH“ d.o.o. za telekomunikacije, Ive Andrića 14., 78000 Banja Luka (u daljem tekstu: TOTAL TV BH), je upisan u registar Okružnog suda Banja Luka pod brojem: 1-17068-00 (JIB: 4402647520001), sa upisanim osnovnim kapitalom od (..)**KM, sa (..)**% vlasničkih udjela privrednog subjekta Serbia Broadband - Srpske kablovske mreže d.o.o. Beograd, Bulevar Zorana Đinđića 8a, 11000 Beograd, Republika Srbija, a koji je pod indirektnom kontrolom privrednog subjekta KKR.

Pretežne registrovane djelatnosti privrednog subjekta TOTAL TV BH su distribucija radijskog i televizijskog programa /signala, djelatnosti žičane i bežične telekomunikacije.

1.1.3. Privredni subjekt „Slovenia Broadband“

Privredni subjekt „Slovenia Broadband“ S.á.r.l., 67 rue Ermesinde L - 1469 Luksemburg, Veliko Vojvodstvo Luksemburg (u daljem tekstu: „Slovenia Broadband“ S.á.r.l.), je upisan u Trgovački registar preduzeća Luksemburga pod brojem: B 145882 (sa prvom registracijom od dana 30. aprila 2009. godine), sa upisanim osnovnim kapitalom od (..)**KM (EUR (..)**), sa većinskim vlasničkim udjelom privrednog subjekta „Broadband Investments II“ S.á.r.l. Rue 67 Rue Ermesinde L - 1469 Luksemburg, Veliko Vojvodstvo Luksemburg (u daljem tekstu: „Broadband Investments“ II S.á.r.l.) (registarski broj: B 146370) (sa ukupno (..)**dionica), koji je pod krajnjom kontrolom privrednog subjekta KKR.

¹ (..)**- podaci predstavljaju poslovnu tajnu u smislu člana 39. Zakona o konkurenciji

Pretežne registrovane djelatnosti privrednog subjekta „Slovenia Broadband“ S.á.r.l. su administracija, upravljanje, kontrola i razvoj privrednih subjekta.

1.1.3.1. Privredni subjekt „Bosnia Broadband“

Privredni subjekt „Bosnia Broadband“ S.a r.l Luxembourg 5, rue Guillaume Kroll L-1882 Veliko Vojvodstvo Luksemburg (u daljem tekstu: „Bosnia Broadband“), je upisan u Trgovački registar preduzeća Luksemburga pod brojem: B 153262, sa (..)**% vlasničkih udjela privrednog subjekta „Slovenia Broadband“ S.á.r.l., 5 rue Guillaume kroll, L - 1882 Luksemburg, Veliko Vojvodstvo Luksemburg.

1.1.4. Privredni subjekt „Adria Cable“ B.V

Privredni subjekt Adria Cable B.V. Naritaweg 165, 1043 BW Amsterdam, Kraljevina Holandija (u daljem tekstu: „Adria Cable“ B.V.) je upisan u Privrednoj komori za oblast Amsterdam (datum osnivanja je dana 12. maja 2005.godine), sa upisanim osnovnim kapitalom od (..)**KM (EUR (..)**), sa (..)**% vlasničkih udjela privrednog subjekta „Slovenia Broadband“ S.á.r.l.

Pretežne registrovane djelatnosti privrednog subjekta „Adria Cable“ B.V. su finansijski holding, udruživanje, administracija, upravljanje, kontrolu i razvoj privrednih subjekta.

1.1.4.1. Privredni subjekt „Serbia Broadband – Srpske kablovske mreže“

Privredni subjekt „Serbia Broadband – Srpske kablovske mreže“ d.o.o. je društvo sa ograničenom odgovornošću, Bulevar Zorana Đinđića 8a, 11000 Beograd, Republika Srbija (u daljem tekstu: „Serbia Broadband – Srpske kablovske mreže“ d.o.o.) je upisan kod Agencije za privredne registre Republike Srbije pod matičnim brojem: 17280554, dana 1. septembra 2000. godine, i sa (..)**% vlasničkih udjela privrednog subjekta „Adria Cable“ B.V.

Pretežna registrovana djelatnost privrednog subjekta „Serbia Broadband – Srpske kablovske mreže“ d.o.o. je distribucija televizijskog programa /signala.

1.2. Privredni subjekt Global Internet

Privredni subjekt „Global Interenet“ Društvo ograničene odgovornosti Novi Travnik, Ivana Meštrovića 21, 79290 Novi Travnik, je upisan u registar Općinskog suda u Travniku pod brojem: 51-01-1767-09 (stari broj: 1-49-67) (JIB: 423670900009), sa upisanim osnovnim kapitalom (..)**KM, sa (..)**% vlasničkih udjela fizičkog lica Nataše Dujmović, (..)**.

Pretežne registrovane djelatnosti privrednog subjekta Global Internet su pružanje usluga distribucije televizijskog programa /signala i pružanje internet usluga.

Privredni subjekt Global Internet djeluje na tržištu općina - Livno, Tomislavgrad, Kupres, Bugojno, Donji Vakuf, Novi Travnik, Tavnik, Vitez i Busovača.

2. Pravni okvir ocjene koncentracije

Konkurencijsko vijeće u provedbi postupka ocjene predmetne koncentracije je primijenilo odredbe Zakona o konkurenciji, Odluke o utvrđivanja relevantnog tržišta („Službeni glasnik BiH“, br. 18/06 i 34/10), Odluke o definisanju kategorija dominantnog položaja („Službeni glasnik BiH“, broj 34/10), te Odluke o načinu podnošenja prijave i kriterijima za ocjenu

koncentracija privrednih subjekta („Službeni glasnik BiH“, broj 34/10), Zakon o upravnom postupku, u smislu člana 26. Zakona o konkurenciji.

Konkurencijsko vijeće je koristilo, na osnovu člana 43. stav (7) Zakona o konkurenciji, sudsku praksu Evropskog suda i odluke Evropske komisije, kao i kriterije i standarde iz Obvještenja Evropske komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekta.

3. Pravni osnov i oblik koncentracije

Pravni osnov namjeravane koncentracije je Pismo namjere, u smislu člana 16. stav (2) Zakona o konkurenciji definisano je u članu 8. tačka f) alineja 5. Odluke o načinu podnošenja prijave i kriterijima za ocjenu koncentracija privrednih subjekta, zaključeno dana 02. novembra 2015. godine, između zakonskih zastupnika učesnika koncentracije.

Pismom namjere privredni subjekt Telemach je izrazio ozbiljnu namjeru preuzimanja 100,00% vlasničkih udjela u osnovnom kapitalu privrednog subjekta Global Internet.

Prema Prijavi predmetna koncentracija predstavlja kupovinu većine dionica (osnovnog kapitala) odnosno sticanje kontrole jednog privrednog subjekta (Telemach) nad drugim privrednim subjektom (Global Internet), u skladu sa članom 12. stav (1) tačka b) pod 1) Zakona o konkurenciji.

4. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona o konkurenciji, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva gospodarska subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udjel na relevantnom tržištu veće od 40,00%.

Ukupni godišnji prihodi privrednih subjekata učesnika predmetne koncentracije (i povezanih privrednih subjekata), na dan 31. decembra 2014. godine, iznose:

Tabela 1.

	KKR	Telemach	Global Internet
Svijet	(..)**	(..)**	-
Bosna i Hercegovina	(..)**	(..)**	(..)**

Izvor: Podaci iz Prijave; * Sadrži ukupne prihode privrednih subjekata Telemach, TOTAL TV BH d.o.o. Banja Luka, Telekabel d.o.o. Zenica, Adria News d.o.o. Sarajevo, Adria News BH Production d.o.o. Sarajevo

Godišnji prihodi učesnika koncentracije (Tabela 1.) predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekta.

Prema podacima (Tabela 1.) učesnici koncentracije su ispunili uslov iz člana 14. stav (1) tačka a) Zakona o konkurenciji (ukupan prihod na svjetskom tržištu), a učesnici koncentracije (privredni subjekt Global Internet) nemaju ispunjene uslove o ostvarenom ukupnom godišnjem prihodu na

tržištu Bosne i Hercegovine), iz člana 14. stav (1) tačka b) Zakona o konkurenciji, ali učesnici koncentracije su ispunili drugi uslov iz člana 14. stav (1) tačka b) Zakona o konkurenciji jer imaju preko 40,00% udjela na relevantnom tržištu (podaci iz Tabele 2. i 3.), te su bili obavezni prijaviti koncentraciju.

5. Prikupljanje podataka od trećih lica

U postupku ocjene namjeravane koncentracije Konkurencijsko vijeće je zatražilo, u smislu čl. 33. i 35. Zakona o konkurenciji dodatne podatke i dokumentaciju od nadležnih institucija Bosne i Hercegovine, kao i konkurenata na relevantnom tržištu:

- Regulatorne agencije za komunikacije Bosne i Hercegovine, aktom broj: 05-26-1-039-2-II/15 dana 24. novembra 2015. godine, a odgovor je dostavljen podneskom broj: 05-26-039-14-II/15 dana 11. decembra 2015. godine.
- privrednog subjekta „TOTAL TV BH“ d.o.o. za telekomunikacije, Ive Andrića 14., 78000 Banja Luka, aktom broj: 05-26-1-039-9-II/15 dana 27. novembra 2015. godine, odgovor je dostavljen podneskom zaprimljenim pod brojem: 05-26-1-039-16-II/15 dana 15. decembra 2015. godine;
- privrednog subjekta Dioničko društvo BH Telekom Sarajevo, Franca Lehara 7, 71000 Sarajevo, aktom broj: 05-26-1-039-7-II/15 dana 27. novembra 2015. godine, odgovor je dostavljen podneskom broj: 05-26-1-039-12-II/15 dana 8. decembra 2015. godine i podneskom broj: 05-26-1-039-17-II/15 dana 15. decembra 2015. godine;
- privrednog subjekta JP Hrvatske telekomunikacije d.d. Mostar, Kneza Branimira bb, 88000 Mostar, aktom broj: 05-26-1-039-6-II/15 dana 27. novembra 2015. godine, odgovor je dostavljen podneskom broj: 05-26-1-039-15-II/15 dana 14. decembra 2015. godine;
- privrednog subjekta Ćutuk d.o.o. Anke Tomić 20, 72230 Žepče aktom broj: 05-26-1-039-8-II/15 dana 27. novembra 2015. godine i aktom broj: 05-26-1-039-20-II/15 dana 6. januara 2016. godine, odgovor dostavljen podneskom broj: 05-26-1-039-22-II/15 dana 15. januara 2016. godine;
- privrednog subjekta Telekomunikacije Republike Srpske akcionarsko društvo Banja Luka, Kralja Petra I Karađorđevića 93, 78000 Banja Luka, aktom broj: 05-26-1-039-21-II/15 dana 6. januara 2016. godine, odgovor je dostavljen podneskom broj: 05-26-1-039-25-II/15 dana 20. januara 2016. godine.

6. Relevantno tržište

Relevantno tržište koncentracije, u smislu člana 3. Zakona o konkurenciji, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitetu, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište usluge predmetne konkurencije smatra se pružanje usluge distribucije televizijskog programa /signala i pružanje internet usluga krajnjim korisnicima.

Također, relevantno geografsko tržište predmetne koncentracije smatra se distribucija televizijskog programa /signala krajnjim korisnicima u općini Novi Travnik i Vitez, te pružanje internet usluga na geografskom tržištu općine Novi Travnik, Vitez, Livno, Tomislavgrad, Kupres, Bugojno, Donji Vakuf, Travnik i Busovača.

Slijedom navedenog, relevantno tržište je pružanje usluge distribucije televizijskog programa /signala krajnjim korisnicim i pružanje internet usluga krajnjim korisnicima u općinama Novi Travnik, Vitez, Livno, Tomislavgrad, Kupres, Bugojno, Donji Vakuf, Travnik i Busovača.

U svrhu kompletiranja geografskog tržišta predmetne koncentracije Konkurencijsko vijeće će analizirati geografsko tržište Bosne i Hercegovine, Federacije Bosne i Hercegovine, Srednjo-bosanskog kantona i Herceg-bosanskog kantona.

6.1. Analiza tržišta distribucije televizijskog programa /signala krajnjim korisnicima

Broj pretplatnika i tržišni udjeli učesnika koncentracije i konkurenata na tržištu distribucije televizijskog programa /signala krajnjim korisnicima za Općinu Novi Travnik i Općinu Vitez, za 2014. godinu:

Tabela 2.

R.b.	Privredni subjekt	Općina Novi Travnik		Općina Vitez	
		Broj korisnika	Udjel %	Broj korisnika	Udjel %
1.	Telemach (s povezanim društvima)*	(..)**	(..)**	(..)**	(..)**
2.	TOTAL TV BH	(..)**	(..)**	(..)**	(..)**
3.	BHB Cable d.o.o Lukavac	(..)**	(..)**	(..)**	(..)**
4.	Global Internet	(..)**	(..)**	(..)**	(..)**
5.	VTK Net d.o.o. Bugojno	(..)**	(..)**	(..)**	(..)**
6.	Čutuk d.o.o Žepče	(..)**	(..)**	(..)**	(..)**
7.	HT Mostar d.d. Mostar	(..)**	(..)**	(..)**	(..)**
8.	BH Telekom d.d. Sarajevo	(..)**	(..)**	(..)**	(..)**
	Ukupno	5.201	100,00	4.434	100,00
	Ukupno (1+2+4)	(..)**	(..)**	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *privredni subjekti TOTAL TV BH d.o.o. Banja Luka i Telekabel d.o.o. Zenica

Prema podacima (Tabela 2.) privredni subjekti učesnici koncentracije u Općini Novi Travnik će imati (..)** pretplatnika, odnosno (..)**% udjela na tržištu, a u Općini Vitez će imati (..)**televizijskih pretplatnika, odnosno (..)**% udjela na relevantnom tržištu.

6.2. Analiza tržišta pružanja internet usluga krajnjim korisnicima

Broj pretplatnika i tržišni udjeli učesnika koncentracije i konkurenata na tržištu internet usluga krajnjim korisnicima za Općinu Novi Travnik i Općinu Vitez, za 2014. godinu:

Tabela 3.

R.b.	Privredni subjekt	Općina Novi Travnik		Općina Vitez	
		Broj korisnika	Udjel %	Broj korisnika	Udjel %
1.	Telemach (s povezanim društvima)*	(..)**	(..)**	(..)**	(..)**
2.	BHB Cable d.o.o Lukavac	(..)**	(..)**	(..)**	(..)**
3.	Global Internet	(..)**	(..)**	(..)**	(..)**
4.	VTK Net d.o.o. Bugojno	(..)**	(..)**	(..)**	(..)**
5.	HT Mostar d.d. Mostar	(..)**	(..)**	(..)**	(..)**
6.	BH Telekom d.d. Sarajevo	(..)**	(..)**	(..)**	(..)**
	Ukupno	4.228	100,00	5.587	100,00
	Ukupno (1+3)	(..)**	(..)**	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *Telekabel d.o.o. Zenica

Prema podacima (Tabela 3.) privredni subjekti učesnici koncentracije u Općini Novi Travnik će imati (..)**internet pretplatnika, odnosno (..)**% udjela na tržištu, a u Općini Vitez će imati (..)**internet pretplatnika, odnosno (..)**% udjela na relevantnom tržištu.

Broj pretplatnika i tržišne udjele učesnika koncentracije i konkurenata na tržištu internet usluga krajnjim korisnicima za Općinu Livno i Općinu Tomislavgrad, za 2014. godinu:

Tabela 4.

R.b.	Privredni subjekt	Općina Livno		Općina Tomislavgrad	
		Broj korisnika	Udjel %	Broj korisnika	Udjel %
1.	Telemach (s povezanim društvima)*	(..)**	(..)**	(..)**	(..)**
2.	Global Internet	(..)**	(..)**	(..)**	(..)**
3.	HT Mostar d.d. Mostar	(..)**	(..)**	(..)**	(..)**
	Ukupno	4.353	100,00	3.178	100,00
	Ukupno (1+2)	(..)**	(..)**	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *Telekabel d.o.o. Zenica

Prema podacima (Tabela 4.) privredni subjekti učesnici koncentracije u Općini Livno će imati 694 internet pretplatnika, odnosno (..)**% udjela na tržištu, a u Općini Tomislavgrad će imati (..)** internet pretplatnika, odnosno (..)**% udjela na relevantnom tržištu.

Broj pretplatnika i tržišni udjeli učesnika koncentracije i konkurenata na tržištu internet usluga krajnjim korisnicima za Općinu Kupres i Općinu Bugojno, za 2014. godinu:

Tabela 5.

R.b.	Privredni subjekt	Općina Kupres		Općina Bugojno	
		Broj korisnika	Udjel %	Broj korisnika	Udjel %
1.	Telemach (s povezanim društvima)*	(..)**	(..)**	(..)**	(..)**
2.	Global Internet	(..)**	(..)**	(..)**	(..)**
3.	VTK Net d.o.o. Bugojno	(..)**	(..)**	(..)**	(..)**
4.	HT Mostar d.d. Mostar	(..)**	(..)**	(..)**	(..)**
5.	BH Telekom d.d. Sarajevo	(..)**	(..)**	(..)**	(..)**
	Ukupno	643	100,00	5.475	100,00
	Ukupno (1+2)	(..)**	(..)**	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *Telekabel d.o.o. Zenica

Prema podacima (Tabela 5.) privredni subjekti učesnici koncentracije u Općini Kupres će imati 190 internet pretplatnika, odnosno (..)**% udjela na tržištu, a u Općini Bugojno će imati (..)** internet pretplatnika, odnosno (..)**% udjela na relevantnom tržištu.

Broj pretplatnika i tržišni udjeli učesnika koncentracije i konkurenata na tržištu internet usluga krajnjim korisnicima za Općinu Donji Vakuf, Općinu Travnik, Općinu Busovača, za 2014. godinu:

Tabela 6.

R.b	Privredni subjekt	Općina Donji Vakuf		Općina Travnik		Općina Busovača	
		Broj korisnika	Udjel %	Broj korisnika	Udjel %	Broj korisnika	Udjel %
1.	Telemach(s povezanim društvima)*	(..)**	(..)**	(..)**	(..)**	(..)**	(..)**
2.	VTK Net d.o.o. Bugojno	(..)**	(..)**	(..)**	(..)**	(..)**	(..)**
3.	M&H d.o.o. Sarajevo	(..)**	(..)**	(..)**	(..)**	(..)**	(..)**
4.	Global Interenet	(..)**	(..)**	(..)**	(..)**	(..)**	(..)**
5.	HT Mostar d.d. Mostar	(..)**	(..)**	(..)**	(..)**	(..)**	(..)**
6.	BH Telekom d.d. Sarajevo	(..)**	(..)**	(..)**	(..)**	(..)**	(..)**
	Ukupno	1.827	100,00	8.961	100,00	2.376	100,00
	Ukupno (1+4)	(..)**	(..)**	(..)**	(..)**	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *Telekabel d.o.o. Zenica

Prema podacima (Tabela 6.) privredni subjekti učesnici koncentracije u Općini Donji Vakuf će imati (..)** internet pretplatnika, odnosno (..)**% udjela na tržištu, u Općini Travnik će imati (..)** pretplatnika, odnosno (..)**% udjela na tržištu i u Općini Busovača (..)** internet pretplatnika, odnosno (..)**% udjela na relevantnom tržištu.

6.2.1. Analiza ostalih geografskih tržišta distribucije televizijskog programa /signala krajnjim korisnicima

Broj pretplatnika i tržišni udjeli učesnika koncentracije i konkurenata na tržištu distribucije televizijskog programa /signala krajnjim korisnicima, za 2014. godinu:

Tabela 7.

	Ukupno		Telemach (s povezanim društvima)*	
	Distribucija televizijskog programa /signala		Distribucija televizijskog programa /signala	
	Broj pretplatnika	Udjel %	Broj pretplatnika	Udjel %
Bosna i Hercegovina	647.234	100,00	(..)**	(..)**
Federacija Bosne i Hercegovine	434.376	100,00	(..)**	(..)**
Srednjo-bosanski kanton	45.111	100,00	(..)**	(..)**
Herceg-bosanski kanton	5.974	100,00	(..)**	(..)**

Izvor: podaci iz Prijave; Regulatorne agencije za komunikacije BiH; tržišnih konkurenata; *privredni subjekti TOTAL TV BH d.o.o. Banja Luka i Telekabel d.o.o. Zenica

Prema podacima (Tabela 7.) privredni subjekti učesnici koncentracije na tržištu distribucije televizijskog programa /signala u Bosni i Hercegovini će imati (..)** televizijskih pretplatnika, odnosno (..)**% udjela na tržištu, u Federaciji Bosne i Hercegovine će imati (..)**televizijskih pretplatnika, odnosno (..)**% udjela na tržištu, u Srednjo-bosanskom kantonu će imati (..)**televizijskih pretplatnika, odnosno (..)**% udjela na tržištu, u Herceg-bosanskom kantonu će imati (..)**televizijskih pretplatnika, odnosno (..)**% udjela na relevantnom tržištu.

6.2.2. Analiza ostalih geografskih tržišta internet usluga krajnjim korisnicima

Broj pretplatnika i tržišni udjeli učesnika koncentracije i konkurenata na tržištu internet usluga krajnjim korisnicima, za 2014. godinu:

Tabela 8.

	Ukupno		Telemach (s povezanim društvima)*	
	Internet usluge		Internet usluge	
	Broj pretplatnika	Udjel %	Broj pretplatnika	Udjel %
Bosna i Hercegovina	544.709	100,00	(..)**	(..)**
Federacija Bosne i Hercegovine	330.073	100,00	(..)**	(..)**
Srednjo-bosansko kanton	39.910	100,00	(..)**	(..)**
Herceg-bosanski kanton	9.781	100,00	(..)**	(..)**

Izvor: podaci iz Prijave; Regulatorne agencije za komunikacije BiH; *privredni subjekt Telekabel d.o.o. Zenica

Prema podacima (Tabela 8.) privredni subjekti učesnici koncentracije na tržištu distribucije internet usluga u Bosni i Hercegovini će imati (..)** internet pretplatnika, odnosno (..)**% udjela na relevantnom tržištu, u Federaciji Bosne i Hercegovine će imati (..)**internet pretplatnika, odnosno (..)**% udjela na tržištu, u Srednjo-bosanskom kantonu će imati (..)**internet pretplatnika, odnosno (..)**% udjela na tržištu, u Herceg-bosanskom kantonu će imati (..)**internet pretplatnika, odnosno (..)**% udjela na relevantnom tržištu.

7. Ocjena koncentracije

Konkurencijsko vijeće u postupku, u smislu člana 17. Zakona o konkurenciji, je analiziralo efekte predmetne koncentracije na tržište, odnosno na strukturu tržišta u smislu da li se stvara ili jača dominantni položaj učesnika koncentracije nakon provođenja koncentracije, a koji za posljedicu može imati značajno narušavanje i ograničavanje tržišne konkurencije, ili će ista proizvesti pozitivne efekte koji se ogledaju u jačanju postojeće konkurencije na relevantnom tržištu.

Na osnovu analize podataka Konkurencijsko vijeće, u skladu sa članom 9. Zakona o konkurenciji, odnosno čl. 2., 5. i 6. Odluke o definisanju kategorija dominantnog položaja, te na osnovu ocjene kriterija, u smislu člana 3. stav (2) iste Odluke, je utvrdilo da privredni subjekt Telemach ima dominantni položaj na relevantnom tržištu.

Konkurencijsko vijeće je utvrdilo da će doći do određenog povećanja udjela na relevantnom tržištu (nakon provođenja koncentracija), odnosno do jačanja dominantnog položaja privrednog subjekta Telemach, ali budući da su na tim relevantnim tržištima prisutni i drugi kablovski operateri, uključujući i javne operatere, povećanje tržišnog udjela neće imati za cilj i posljedicu ograničavanje ili narušavanje efikasne tržišne konkurencije, u smislu člana 4. Odluke o definisanju kategorija dominantnog položaja.

Također, Konkurencijsko vijeće smatra da su pozitivni efekti ove koncentracije dugoročno povećanje kvalitete usluga potrošačima na relevantnom tržištu te proširenju broja usluga, što će rezultirati dodatnim pritiskom na potrebu ulaganja ostalih tržišnih konkurenata, a to će povećati i pouzdanost pružanja usluga krajnjim potrošačima.

Nadalje, Konkurencijsko vijeće smatra ekonomskim opravdanim i razloge privrednog subjekta Telemach da se realizacijom predmetne koncentracije provodi dugoročna strategija proširenja svoje djelatnosti na nova tržišta u Bosni i Hercegovini, prije svega kupovinom kablovskih operatera koji imaju odgovarajuću infrastrukturu i tehničke kapacitete.

Slijedom navedenog, Konkurencijsko vijeće je ocijenilo predmetnu koncentracije dopuštenim, u smislu člana 18. stav (2) Zakona o konkurenciji, te odlučilo kao u dispozitivu ovog Rješenja.

Nadalje, Konkurencijsko vijeće uporednom analizom dostavljenih podataka iz Prijave (u vezi broja pretplatnika i tržišnih udjela) o konkurentima na relevantnom tržištu, sa podacima prikupljenim u postupku od tržišnih konkurenata (posebno od privrednih subjekata HT Mostar d.d. Mostar, BH Telekom d.d. Sarajevo, Telekomunikacije Republike Srpske akcionarsko društvo Banja Luka) je utvrdilo određene razlike u podacima, ali Konkurencijsko vijeće je ocijenilo da utvrđene razlike značajno ne utiču na promjenu utvrđenih tržišnih udjela. Slijedom navedenog Konkurencijsko vijeće smatra da je Podnosilac prijave u Prijavi dostavio podatke u dobroj namjeri bez svjesne namjere dostavljanja nepreciznih i netačnih podataka.

8. Administrativna taksa

Podnosilac prijave, u skladu sa članom 2. Tarifni broj 107. stav (1) tačka d) alineja 2) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11), na ovo Rješenje je dužan uplatiti administrativnu taksu u ukupnom iznosu od 25.000,00 KM, u korist Budžeta institucija Bosne i Hercegovine.

9. Pouka o pravnom lijeku

Ovo Rješenje je konačno i protiv istog nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

mr. Arijana Regoda-Dražić